

以威心耳威以聲不可不清目威以容不可不明心威以刑不可不嚴此三者不善害可待也故曰將之所慮莫不必移將之所指莫不必至將之所期莫不必死也

善將

古之善將者有大經示之以進退兩人知禁陳之以德義而人知禮重之以是非而人知勸令之以賞罰而人知信禁禮勸信師之大經也故能戰必勝敵必取也庸眾不然避而不能止進而不能禁善惡混同士無誠勸賞罰不均人不知信故賢良退伏而諂諛進用是以戰必敗散也

審因

道藏輯要

忠武侯集  
心書

三

星集三  
川上

夫因人之勢以伐惡則黃帝不能與爭威矣因人之力以決勝湯武不能與爭功矣善以審因而加之威信則萬夫之雄將可圖而四海之英豪可制矣

天勢

夫行師之勢有三焉一曰天二曰地三曰人天勢者謂日月清明五星合度彗孛不生風氣順調地勢者謂險易形殊或石門幽洞羊腸險要或峻嶺重巖洪流千里人勢者謂主聖將賢三有禮士卒用命糧甲堅備也善將者因天之時就地之勢依之利則所向者無敵所擊者萬全矣

勝敗